



შირაკი

SHIRAKI

გამოცემის 1937 წლიდან
დედოფლისწყაროს მუნიციპალიტეტის გაზეთი

№13 (9.972)
24 აპრილი -1 მაისი 2021წელი
ფასი: 60 თეთრი
ყოველკვირეული გამოცემა

ახალი საჯარო სკოლა - სამთაფყაროს



პროექტის „ერთი დღე სოფელში“ ფარგლებში დედოფლისწყაროს მუნიციპალიტეტის მერი ნიკოლოზ ჯანიაშვილი, 20 აპრილს სოფელ სამთაფყაროში იმყოფებოდა. ნიკოლოზ ჯანიაშვილი სამთაფყაროში მერის წარმომადგენელთან ჯემალ ღიმიტრაძესთან ერთად მოსახლეობას შეხვდა და მათ პრობლემებს აღვიწყა გაცემო.

დედოფლისწყაროს მუნიციპალიტეტის მერი სამთაფყაროს საბავშვო ბაღსა და სკოლასაც ეწვია. ბაღის პედაგოგებთან საუბარში აღინიშნა, რომ სამთაფყაროს საბავშვო დაწესებულებაში ისევე, როგორც მთელ მუნიციპალიტეტში, მომავალი თაობის აღზრდისთვის ღირსეული პირობებია შექმნილი.

„დღეს სამთაფყაროს მოსახლეობას შევხვდი და მათ პრობლემებს ადგილზე გავეცანი. მოგვარების გზებიც ერთად დავსახეთ. ამიტომაც დღევანდელი შეხვედრებით კმაყოფილი ვარ. ასევე დავათვალიერე აქ მიმდინარე და დასრულებული ინფრასტრუქტურული პროექტები. მოგახსენებთ, რომ ამჟამად მიმდინარეობს სოფლის საჯარო სკოლის სრული რეაბილიტაცია და სამთაფყარო-ფიროსმანის საავტომობილო გზის მშენებლობა. ორივე პროექტი თავისი მასშტაბებით განსაკუთრებულად მნიშვნელოვანია. მიხარია, რომ ჩვენი ხელისუფლების პერიოდში ამდენი ღირსეული საქმე კეთდება“-განაცხადა ნიკოლოზ ჯანიაშვილმა.

დედოფლისწყაროს მუნიციპალიტეტის სოფელ სამთაფყაროს საჯარო სკოლის შენობის სრული რეაბილიტაცია მიმდინარეობს. სამთაფყაროს საჯარო სკოლის მოსწავლეები და პედაგოგები 2021-2022 სასწავლო წელს სკოლის განახლებულ შენობაში დაიწყებენ.

პროექტს საქართველოს მუნიციპალური განვითარების ფონდი დედოფლისწყაროს თვითმმართველობის ზედამხედველობით ახორციელებს და მასზე 4 000 000 ლარზე მეტი დაიხარჯება. ინფრასტრუქტურული სამუშაოების ფარგლებში მოეწყობა შიდა სველი ნერტილები, კაბინეტები, სპორტული დარბაზი, გათბობის სისტემა, დამონტაჟდება ლიფტი და სხვა.

„ძველი შენობიდან რჩება მხოლოდ კედლები, დანარჩენი ყველაფერი იცვლება. სამუშაოების დასრულების შემდეგ ჩვენ გვექნება ევროპული სტანდარტების, ფაქტობრივად, სრულიად ახალი შენობა, სადაც სასწავლო პროცესის ღირსეულად წარმართვისთვის ყველანაირი პირობა იქნება შექმნილი“-განაცხადა ნიკოლოზ ჯანიაშვილმა.

სამთაფყაროს საჯარო სკოლის განახლებულ შენობაში პირველი ზარი მიმდინარე წლის სექტემბერში, ახალი სასწავლო წლის დაწყებისთანავე დაირეკება.

საქველმოქმედო სამედიცინო აქცია დედოფლისწყაროში.



საზღვრისპირა სოფელ სამთაწყაროს მოსახლეობას უფასო სამედიცინო სერვისები პროფესორმა სოლომონ ზეიკიძემ და ექიმთა საქველმოქმედო ჯგუფმა მიანოდეს.

ექიმთა საქველმოქმედო ჯგუფმა, რომელსაც პროფესორი, კარდიოლოგი სოლომონ ზეიკიძე ხელმძღვანელობს, ფონდ „მზის შვილების“ ეგიდით, დედოფლისწყაროს მუნიციპალიტეტის სოფელ სამთაწყაროში მორიგი საქველმოქმედო აქცია გამართა - მოსახლეობას უფასო სამედიცინო სერვისი მიანოდა და მედიკამენტები გადასცა. აქციის ფარგლებში, სამედიცინო სერვისი, საერთო ჯამში, 70-მდე ადამიანს მიენოდა.

„ეს ჩვენი ექიმთა საქველმოქმედო ჯგუფის უკვე რიგით მეოთხე აქციაა - ილტოს ხეობის, ასპინძის რაიონის სოფელ ნაქალაქევისა და ახალქალაქის სოფელ კოთელის შემდეგ, დედოფლისწყაროს მუნიციპალიტეტის სოფელ სამთაწყაროს მოსახლეობას გაუწიეთ უფასო სამედიცინო მომსახურება. საერთოდ, მსოფლიოსა და შესაბამისად, ჩვენს ქვეყანაში შექმნილი კოვიდპანდემიის გამო, განსაკუთრებით ის ადამიანები, რომლებიც დიდ ქალაქებსა და რეგიონული ცენტრებიდან მოშორებით მდებარე სოფლებში ცხოვრობენ, იმ დილემის წინაშე დადგნენ, რომ სხვადასხვა სამედიცინო მომსახურებას ვეღარ იღებენ. ჩვენი საქველმოქმედო აქციებიც სწორედ ამას ემსახურება. სოფელ სამთაწყაროსთვის ეს აქცია განსაკუთრებით მნიშვნელოვანია, რადგან პრაქტიკულად, სასაზღვრო ზონაა. ადგილობრივებს მედიკამენტებიც გადაეცით, რაშიც ფარმაცევტული კომპანია ჩემ ფარმა დაგვეხმარა,“ - ამბობს პროფესორი, კარდიოლოგი სოლომონ ზეიკიძე და დასძენს, რომ მსგავს საქველმოქმედო აქციებს, მეგობრებთან ერთად, სამომავლოდაც გეგმავს.

ამასთან, აღსანიშნავია, რომ საქველმოქმედო აქციაში, რომელიც ამჯერად დედოფლისწყაროს მუნიციპალიტეტის მერის ნიკოლოზ ჯანიაშვილის, ასევე, ნატალია კვანტალიანის სახელობის სისხლის ეროვნული ბანკის, „ზედაზენისა“ და „ჯი-ემ ფარმას“ თანადგომით ჩატარდა, რამდენიმე დარგის ექიმი მონაწილეობდა. პროფესორი, კარდიოლოგი სოლომონ ზეიკიძე; ექიმ-ფიზიოთერაპევტი ოდისეი სადოევი, ენდოკრინოლოგი ნათია დალაქიშვილი და კარდიოლოგი ქეთი გოროზია.

აზერბაიჯანის საზღვართან მდებარე სოფელი სამთაწყარო აჭარელი ეკომიგრანტებით დასახლებული სოფელია, რომელიც რაიონული ცენტრიდან მკვეთრად მონყვეტილია.

ინფრასტრუქტურული სამუშაოები გრძელდება

სოფელ ზემო მანხანში მეორე და მეცხრე ქუჩების შიდა საავტომობილო გზის რეაბილიტაცია დასკვნით ეტაპზეა.

ინფრასტრუქტურული სამუშაოების ფარგლებში მოასფალტდა გზის 800 მეტრიანი მონაკვეთი და მოენყო სანიაღვრე სისტემა.

პროექტის ღირებულება 600 000 ლარს შეადგენს.

სამთაწყარო-ფიროს-მანის დამაკავშირებელი საავტომობილო გზის სარეაბილიტაციო სამუშაოები აქტიურ ფაზაშია.

მიმდინარე პროექტი დედოფლისწყაროს მუნიციპალიტეტის მერმა ნიკოლოზ ჯანიაშვილმა დაათვალერა.

სამთაწყარო-ფიროს-მანის საავტომობილო გზა პროექტ „ქუმბათი-ხირსა-ენამთა-სამთაწყარო-საბათლოს“ ნაწილია და მისი დასრულების შემდეგ ჩვენი მუნიციპალიტეტის ყველა საზღვრისპირა სოფელი ერთმანეთს თანამედროვე სტანდარტების სავტომობილო გზით დაუკავშირდება.

სოფ. ზემო მანხანი



სამთაწყარო-ფიროს-მანის დამაკავშირებელი საავტომობილო გზა

ინფრასტრუქტურული სამუშაოები მიმდინარე წელს დასრულდება და მისი ღირებულება 5 000 000 ლარზე მეტს შეადგენს.

2021 წლის რთველი კადასტრის მონაცემებზე დაერწმუნებოდა ჩატარდება

კახეთის რეგიონში ვენახების რეგისტრაცია და საკადასტრო ინფორმაციის განახლება მიმდინარეობს.

თეთრყურძნიანი და წითელყურძნიანი ვაზის ჯიშებით გაშენებული ყველა ვენახის რეგისტრაცია სავალდებულოა. 2021 წლის რთველის ჩატარება კადასტრის მონაცემებზე დაერწმუნებით იგეგმება. განახლება სავალდებულოა ვენახთან დაკავშირებული ცვლილებების შემთხვევებში - ყიდვა-გაყიდვა, გაქირავება, გაჩუქება, გაშენება ან ამოძირკვა.



ამ ეტაპზე, ვენახების რეგისტრაცია და საკადასტრო ინფორმაციის განახლება მიმდინარეობს შემდეგ მუნიციპალიტეტებში: ყვარელი, გურჯაანი, სიღნაღი (წნორის მხარის სოფლები), თელავი და ახმეტა. რეგიონის დანარჩენ მუნიციპალიტეტებში რეგისტრაციის დაწყებაზე მევენახეები ინფორმაციას დამატებით მიიღებენ. რეგისტრაცია შესაძლებელია ზემოთ აღნიშნულ მუნიციპალიტეტებსა და სოფლებში განთავსებულ მოქმედ სარეგისტრაციო უბნებზე. ღვინის ეროვნული სააგენტო საქართველოს ვენახების კადასტრის პროგრამას 2014 წლიდან ახორციელებს. პანდემიის გამო, 2020 წელს, პროგრამის სავალდებულო სამუშაოები შეჩერებული იყო. მუშაობა მიდიოდა მხოლოდ მონაცემთა სრულყოფისა და განახლების მიმართულებით. 2021 წელს, იგეგმება 26 ათასამდე ჰექტარი ფართობის აეროგადაღებები კახეთსა და რაჭა-ლეჩხუმში.

ვენახების კადასტრი იქმნება თითოეული ვენახის ნაკვეთის ინდენტიფიკაციის და რეგისტრაციის შესახებ დეტალური ინფორმაციის შეგროვებით, რომელიც შეიცავს ვენახში არსებულ ვაზის ჯიშებს, დარგვის თარიღს, ვენახის მდგომარეობას და ა.შ. ინფორმაციის შეკრება ხდება სავალდებულო პირობებში, მევენახეების გამოკითხვით და აეროფოტოებზე გამოხატული ვენახის ნაკვეთების ინდენტიფიკაციით. ვენახების კადასტრი გააჩნია ევროკავშირის წევრ ყველა იმ ქვეყანას, სადაც განვითარებულია მევენახეობა-მეღვინეობის ინდუსტრია. საქართველოს ვენახების კადასტრის შექმნა კიდევ ერთი წინგადადგმული ნაბიჯი იქნება ევროპული გამოცდილებისკენ. ვენახების კადასტრის პროგრამის დასრულება კახეთისა და რაჭა-ლეჩხუმის რეგიონებში მიმდინარე წელს იგეგმება.

ტერაბანკის განახლებული ფილიალი დედოფლისწყაროში



19 აპრილიდან „ტერაბანკი“ კლიენტებს მაქსიმალურად კომფორტულ გარემოში მოემსახურება - ქ. დედოფლისწყაროში, ჰერეთის N49 -ში ბანკის განახლებული ფილიალი საზემო ვითარებაში გაიხსნა.

სტუმრებს შორის იყვნენ ბანკის გენერალური დირექტორი თეა ლორთქიფანიძე, დედოფლისწყაროს მუნიციპალიტეტის მერი ნიკოლოზ ჯანიაშვილი, საფილიალო ქსელის მართვის განყოფილების უროსი დავით ნულუკიძე, ასევე ბანკის სხვა ხელმძღვანელი პირები და კლიენტები.

„ტერაბანკის“ სიმბოლური ლენტი ფილიალის დირექტორმა ელიზბარ ალუღიშვილმა და დედოფლისწყაროს მუნიციპალიტეტის მერმა ნიკოლოზ ჯანიაშვილმა გაჭრეს.

ჰუმანიტარული აქცია მოეწო

დედოფლისწყაროს მუნიციპალიტეტის მერიისა და „წითელი ჯვრის“ მორიგი ერთობლივი საქველმოქმედო პროექტის ფარგლებში სოციალურად დაუცველ მარტოხელა პენსიონერებს სასურსათო ამანათები და ჰიგიენის საშუალებები გადაეცათ. ჰუმანიტარული აქციით მუნიციპალიტეტის მასშტაბით ასმა ბენეფიციარმა ისარგებლა.



"ერთად, ჩვენ შეგვიძლია, აღვადგინოთ დედაქალაქი!"

1969 წელს სანტა ბარბარაში, კალიფორნიაში, მოხდა ნავთობის დიდი მასის დაღვრა. ამ კატასტროფის შედეგად გამოწვეულმა პრობლემა საზოგადოებას კიდევ ერთხელ და თანაც ნათლად დაანახა გარემოზე ზრუნვის აუცილებლობა. ხოლო, 1970 წელს მოსახლეობა გამოვიდა ქუჩაში ტრანსპარანტებით, რომელზეც ეწერა: „უფროსი დიდი ჰაერს, რომელსაც სუნთქავთ!“; „თუ არ ემუშავებთ გარემოსთვის, მაშინ თანამოგონადად ხართ!“ სწორედ მათ ჩაუყარეს საფუძველი ამ დღის აღნიშვნას. შესაბამისად, პირველად დედაქალაქის დღე სწორედ ამერიკის შეერთებული შტატებში აღინიშნა. აღნიშვნები აწყობდნენ სახალხო შეკრებებს და ღია საუბრობდნენ გარემოსთან დაკავშირებულ პრობლემაზე.

გარემოს დაცვისა და სოფლის მეურნეობის მინისტრი ლევან დავითაშვილი „დედამინის დღის“ აღნიშვნასთან დაკავშირებით მიმართავს ავრცელებს და აცხადებს, რომ მთავარი პრიორიტეტი ჯანსაღი გარემოს უზრუნველყოფა, მის გაუმჯობესებაზე ზრუნვა და საზოგადოების ცნობიერების ამაღლების ხელშეწყობაა. მისი თქმით, განსაკუთრებით მნიშვნელოვანია სატყეო სექტორის რე-

რიტორიას მოიცავს. განსაკუთრებით მნიშვნელოვანია სატყეო სექტორის რეფორმა და ტყის მდგრადი მართვა, რომელიც ტყის ახალი კოდექსის მნიშვნელოვან ნაწილს წარმოადგენს და განსაზღვრავს, თუ როგორ უნდა ვმართოთ მდგრადად ტყე, რაც ჩვენი ქვეყნის ტერიტორიის, დაახლოებით, 40%-ია. რამდენიმეწლიანი მუშაობის შემდეგ, გარემოსდაცვითი სამართალ-დარღვევების პრევენციის უმნიშვნელოვანესი საფუძველი - კანონი „გარემოსდაცვითი პასუხისმგებლობის შესახებ“ დამტკიცდა, რაც ქვეყანაში ევროპულ სტანდარტებთან შესაბამისი გარემოსდაცვითი მმართველობის შექმნის ერთ-ერთი უმთავრესი წინაპირობაა.

ჩვენ დავანესეთ ახალი სტანდარტები, რათა მაქსიმალურად შევამციროთ სამრეწველო სექტორიდან ჰაერის დაბინძურება და ეს დადებითად აისახოს ცალკეულ ქალაქებში ჰაერის ხარისხის მდგრადი გაუმჯობესებაზე. სამინისტროს ერთ-ერთი პრიორიტეტი ნარჩენების პრევენცია, ხელახლა გამოყენება და გადამუშავებაა. ამ მიზნის მისაღწევად, ვინცებთ პლასტმასის ნარჩენების პრევენციის ეროვნული პროგრამის შემუშავებას, რაც ხელს შეუწყობს პლასტმასის



რვავე მუნიციპალიტეტში დასუფთავება - გამწვანების აქცია იმართება. კახეთის სახელმწიფო რწმუნებულმა, ირაკლი შიომშიძემ ახმეტის მუნიციპალიტეტში, მერის მოადგილე, ვაჟა ნასყიდაშვილთან ერთად, დასუფთავება - გამწვანების აქციაში პირადად მიიღო მონაწილეობა.

„კახეთის რეგიონმა ზედიზედ მესამედ სუფთა რეგიონის სტატუსი დაიმსახურა. ჩვენთვის ერთი - ერთი მნიშვნელოვანი პრიორიტეტი გარემოზე ზრუნვა და ყოველდღიურ რეჟიმში, რეგიონში დასუფთავების სამუშაოების ჩატარება“- აღნიშნა ირაკლი შიომშიძემ.

კახეთის რეგიონის მუნიციპალიტეტებში მიმდინარე დასუფთავება - გამწვანების აქციაში ადგილობრივი ხელისუფლების წარმომადგენლები მონაწილეობენ. აღნიშნული თარიღი დედოფლისწყაროს მუნიციპალიტეტშიც მასშტაბური დასუფთავებისა და გამწვანების აქციებით აღინიშნა. ღონისძიებაში მონაწილეობა დედოფლისწყაროს მუნიციპალიტეტის მერმა ნიკოლოზ ჯანიაშვილმა, საკრებულოს თავმჯდომარე ნუზურ პაპიაშვილმა, მერიის სტრუქტურული ერთეულების, ა(ა)იპ-ებისა და არასამთავრობო სექტორის წარმომადგენლებმა მიიღეს. გასუფთავდა და გამწვანდა როგორც ქალაქ დედოფლისწყაროს შიდა ტერიტორია, ასევე ტურისტული ადგილები: ელიას მთა, ქოჩების ტბა, ხორნაბუჯის ციხე და ა.შ.

XXI საუკუნეში კლიმატის ცვლილებები მნიშვნელოვნად დაჩქარდა - სწრაფი ტემპით მიმდინარეობს პოლუსებზე ყინულის დნობის პროცესი, დნება მყინვარებიც, დედამინის საშუალო ტემპერატურა იმატებს, სწრაფი ტემპით იჩნება ტროპიკული ტყეები, იმატებს საშუალო ტემპერატურა მსოფლიოში, იმატებს მსოფლიო ოკეანეში წყლის დონე, რომელიც უამრავ ქვეყანასა თუ ქალაქს დიდ საფრთხეს უქმნის. მაგალითად, თუ ყინულის დნობის პროცესი ამავე პროცესით გაგრძელდა, შესაძლოა სულ მალე მალდივის კუნძულები მთლიანად წყლის ქვეშ აღმოჩნდეს და უამრავი ადამიანი ლტოლვილად იქცეს. ყოველივე აქედან გამომდინარე, აუცილებელია კლიმატური ცვლილებების ტემპის შეწყობა, წინააღმდეგ შემთხვევაში კაცობრიობა მომავალში გაცილებით დიდი გამოწვევების წინაშე აღმოჩნდება, რომელთა დაძლევაც საკმაოდ რთული იქნება.

მიუხედავად იმისა, რომ მთელი ჩვენი ყურადღება მიმართულია COVID-19-სკენ, არ უნდა დაგვავიწყდეს გარემოს დაცვისა და კლიმატის საკითხების მნიშვნელობა გრძელვადიან პერსპექტივაში და, მათ შორის, ეკონომიკური კრიზისის დაძლევისას. მხოლოდ გარემოსადმი პასუხისმგებლობის გამოჩენა გვაძლევს იმის საშუალებას, რომ პოზიტიურად შევცვალოთ ჩვენი პლანეტის მომავალი!

მომავალი
შუაშუნა ყანაშვილი



ფორმა და ტყის მდგრადი მართვა, ასევე ახალი დაცული ტერიტორიების შექმნა.

„დღეს, 22 აპრილს დედამინის დღეა. ერთად, ჩვენ შეგვიძლია, აღვადგინოთ დედაქალაქი! - ასეთია მთავარი გზავნილი, რომლითაც მსოფლიო, 2021 წელს, დედამინის დღეს აღნიშნავს. საქართველოს გარემოს დაცვისა და სოფლის მეურნეობის სამინისტრო გარემოს დაცვის, როგორც გლობალური გამოწვევის პროცესში, თანმიმდევრულად მუშაობს გარემოსდაცვითი პოლიტიკის ჩამოყალიბებაზე. ჩვენი მთავარი პრიორიტეტია ჯანსაღი გარემოს უზრუნველყოფა, მის გაუმჯობესებაზე ზრუნვა და საზოგადოების ცნობიერების ამაღლების ხელშეწყობა. აქტიურად მიმდინარეობს ახალი დაცული ტერიტორიების შექმნის და დაცული ტერიტორიების საუკეთესო საერთაშორისო პრაქტიკის შესაბამისად განვითარების მიმართულებით მუშაობა, რაც უზრუნველყოფს ჩვენი ქვეყნის უნიკალური ბიომრავალფეროვნების დაცვას და ეკოტურიზმის განვითარებას.

უკანასკნელ პერიოდში დაცული ტერიტორიების ფართობი, რეკორდულად, 280 000 ჰა-ით გაიზარდა და ჩვენი ქვეყნის თითქმის 12% ტე-

არამდგრად გამოყენებასთან დაკავშირებულ გამოწვევებს და შეამცირობს გარემოზე მიყენებულ ზიანს.

აქტიურად მიმდინარეობს საგანმანათლებლო პროგრამის დანერგვის პროცესი, რომელიც გარემოსდაცვითი და აგრარული განათლების ხელშეწყობასა და სასკოლო სივრცეში ინტეგრირებას ითვალისწინებს. მთელი ქვეყნის მასშტაბით, მომდევნო 4 წლის განმავლობაში, გაძლიერდება დაწყებითი საფეხურის 20 000 პედაგოგის შესაძლებლობები, ხოლო 250 000 მოსწავლე უკეთესად შეისწავლის ისეთ მნიშვნელოვან საკითხებს, როგორცაა მდგრადი განვითარება, ბიომრავალფეროვნების დაცვა, წყლის რესურსების დაცვა, ჰაერის დაცვა დაბინძურებისგან, კლიმატის ცვლილება და ბუნებრივი საფრთხეების შემცირება, ნარჩენების მართვა, მიწის მართვა და გაუდაბნობის წინააღმდეგ ბრძოლა, სოფლის მეურნეობა, სურსათის უვნებლობა და ხარისხი“, - აღნიშნულია გარემოს დაცვისა და სოფლის მეურნეობის მინისტრ ლევან დავითაშვილის „დედამინის დღის“ აღნიშვნასთან დაკავშირებულ მიმართვაში.

დედამინის დღესთან დაკავშირებით, კახეთის რეგიონის მასშტაბით,



პარიასიები პოლიტიკურ თემაზე

საქართველოში პოლიტიკური პროცესები კვლავ დაძაბულია. ევროპელი მედიატორები ცდილობენ, ქვეყანა კრიზისიდან გამოიყვანონ. ოპოზიციური პარტიების ნაწილმა პარლამენტში შესვლას ხელი მოაწერა, თუმცა, ამან კრიზისი ბოლომდე ვერ მოაგვარა. მათ საქციელს არაერთგვაროვანი რეაქცია მოჰყვა პოლიტიკურ წრეებსა თუ არასამთავრობო სექტორში.

„ვინ ჩვენს პატრონს... ევროპა-ამერიკის ელჩებმა ხელისუფლებას გადმოსცეს ბრძანების ძალის მქონე უზენაესი „რეკომენდაცია“ შემოდგომაზე ჩასატარებელ ადგილობრივ არჩევნებში 43%-ზე ნაკლებს აიღებთ, 2022 წელს რიგგარეშე საპარლამენტო არჩევნები დანიშნეთ, ცესკოს თავმჯდომარე 2/3-ის უმრავლესობით აირჩიეთ და რასაც უზენაესი ბრძანებს, მომავალშიც ისე მოიქეცით, თორემ ცულს მოვიტან ცუნცულასო... ანუ არც ეკონომიკურად დაგეხმარებით, არც ნატოში და ევროკავშირში მიგიღებთ და რუსების მიერ საზღვრის ყოველ გადმოწევაზე აღარც შეშფოთება-აღშფოთებას გამოცხატავთ.“

აქეთ სხვა უზენაესი გვიფიცის რუსეთიდან - თავი დაანებეთ ნატოსთან და ევროპასთან ფლირტაობას, თორემ უფრო მეტ ნაწილზე დაიშლებით, ვერ ხედავთ, რომ აჭარის გათურქებას და მთელი რიონის ხეობის ხელში ჩაგდებას ცდილობს ნატოს წევრი „დემოკრატიული თურქეთი“ („მხოლოდ 99 წლით, ვითომ ჰესის ასაშენებლად), იქით სომხეთს აქვს თვალი დადგმული ჯავახეთზე, ირანელები ამბობენ, თბილისი სპარსული ქალაქია, საუკუნეების მანძილზე ჩვენი ამირა მართავდაო. ხოლო თუ ჩვენ ამ ყველაფერზე თვალს დაგვხუჭავთ, ისლა დაგვრჩება, ცხინვალის რამდენიმე ათეული კილომეტრით გადმოვიწიოთ და შუაზე გავწყვიტოთ აღმოსავლეთ და დასავლეთ საქართველო და რაც თქვენი ქვეყნიდან იქნება დარჩენილი, ის ჩვენ ავიტოვოთ.“

მოკლედ, მაგარ შარში ვართ. გვეგონა ერთ ვეშაპს მოვცილდით, რომელსაც დიდი მადა ჰქონდა და სულ გადასასწვლას გვემუქრებოდა, რომ იქით მეორე ვეშაპი გამოჩნდა ევროპა-ამერიკის სახით, რომლებიც გვეუბნებიან, ჩვენთან თუ გინდათ, ჩვენი „რეკომენდაციები“ უნდა შეასრულოთო. არა, ეს მხოლოდ რეკომენდაციებია, ბრძანებები არ გვეგონათ, ოღონდაც თუ არ შეასრულებთ, ისევ ვეშაპის ხახაში ჩარჩებიტო. არა ჩვენ გადაყლაპვას არ გიპირებთ, მაგრამ თქვენი ცხოვრების წესზე უარი უნდა თქვათ, კანონები ჩვენი „რეკომენდაციებით“ უნდა მიიღოთ და თუ ჩვენ საჭიროდ ჩავთვლით, ხელისუფლებაც უნდა დათმობოთ. მერე რა, რომ თვითონ ჩვენმა წარგზავნილმა დამკვირვებლებმა დააფიქსირეს არჩევნების ლეგიტიმურობა, მთავარია, რომ დღეს ჩვენ ასე გვეჭირდება და არ გავიგონოთ თქვენი ხმა-კრინტიო. ანუ თუ ჩვენ საჭიროდ ჩავთვლით, ნებისმიერი დამნაშავე ციხიდან უნდა გამოუშვათ (თანაც ერთ კვირაში), თუ ჩვენ საჭიროდ ჩავთვლით, ახალი საპარლამენტო არჩევნები უნდა ჩატარდეს, თანაც ისეთი პირობებით, როგორსაც ჩვენ შემოგთავაზებთო.

მოკლედ, ხელისუფლებას ჩვენ ვუწინავეთ საქართველოს, ქართველი ხალხის ნება აქ არაფერ შუაშიაო. თუ მოვიდოდით, კონსტიტუციაშიც ჩაგანერინებთ, რომ საქართველოს პრეზიდენტი და პრემიერმინისტრი გეი ან ლესბოსელი უნდა იყოსო. თუ თანახმა არა ხართ, მიბრძანდით უკან ვეშაპის ხახაშიო.

აი, ეს არის რეალურად ის ლამაზი სიტყვებით შეფუთული რეალობა, რასაც ვუყურებთ დღეს საქართველოში „სტრატეგიული პარტნიორების“ მხრიდან წარმოებულ ე. წ. ფასილიტაციისა თუ მედიაციის პროცესში.

ამ ყველაფრიდან ჩვენ ის დავინახეთ, როგორ იქცნენ ე. წ. ნეიტრალური სტრატეგიული პარტნიორები მხარედ და როგორ მოითხოვენ ხელისუფლების გადაცემას იმ დამნაშავე რეჟიმის წარმომადგენლებისთვის, რომლებსაც მათივე მოთხოვნით გაუხანგრძლივდათ პოლიტიკური სიცოცხლე

ტარება, თუ ისინი მორიგ ადგილობრივ არჩევნებში 43%-ს ვერ მოიპოვებენ. ეს არის ქვეყნის დამოუკიდებლობა? კონსტიტუციაში რომ ვადამდელო არჩევნების ჩატარების შემთხვევები პირდაპირ და ძალიან გასაგებად არის განერილი, ეგ არაფერს ნიშნავს? რატომ აყენებენ ჩვენი „დასავლელი მეგობრები“ საკუთარ თავს საქართველოს კონსტიტუციაზე მაღლა? იმისთვის იბრძოდა ქართველი ხალხი, რომ ერთი ბატონი მეორით (უფრო ცივილიზებული და ლამაზი სიტყვებით შეფუთულით) ჩაენაცვლებინა?

ყველაზე უცნაური ის არის, რომ არც ხელისუფლებას და არც ოპოზიციის ძირითად ნაწილს არ მოსწონს ეს „რეკომენდაციები“ (ყოველ შემთხვევაში, ასე აცხადებენ), მაგრამ ალბათ მაინც ყველა დათანხმდება მათ შესრულებას, რადგან სხვანაირად „ანტიდასავლელი“ და „რუსეთუმეს“ იარაღის აიკრავენ. თუმცა, სახის შენარჩუნებისთვის



და სულ არ დაგიდევინ ქართველი ხალხის პოზიციას, რომ 2012 წლიდან მოყოლებული მათ უარი უთხრეს ამ რეჟიმის პოლიტიკურ რეინკარნაციას. მერე რა, რომ დასავლეთში არჩევნებში (ანუ ხელისუფლების დანიშვნაში) ჩარევა მომავლდინებულ ცოცხად ითვლება, ისინი ჩვენს სახელმწიფოს მესამეხარისხოვანი ქვეყნის კრიტიკურობებით განსჯიან და ამიტომაც მათი მხრიდან აქ არჩევნების შედეგებით მანიპულაცია ჩვეულებრივი ამბავია. მხოლოდ მესამეხარისხოვან ქვეყნებზე მიჩნეულ ხელისუფლებებს შეუძლიათ ელაპარაკონ დასავლეთის სახელთ ისე, როგორც ამას აკეთებენ საქართველოსთან მიმართებაში ჩვენი ფასილიტატორები თუ მედიატორები, მხოლოდ ასეთ ქვეყნების ხელისუფლებებს შეუძლიათ მოთხოვონ მსჯავრდებულების ან ბრალდებულების ერთ კვირაში გათავისუფლება ან ყველაზე მეტ რეგიონურად აღიარებული არჩევნების მიუხედავად ვადამდელო საპარლამენტო არჩევნების ჩა-

ორივე მხრიდან გაბრძოლება მაინც საჭირო იქნება და მაქსიმუმ იმას მიიღებენ, რომ შეთავაზებულ ულტიმატუმში ფორმალური ხასიათის ცვლილებების შეტანით ორივე მხარეს ექნება იმის თქმის შესაძლებლობა, აი, ხომ ხედავთ, დასავლეთი ჩვენ გვიჭერს მხარსო.

და მთავარი არ უნდა დაგვავიწყდეს: გაუმარჯოს დამოუკიდებელ საქართველოს! ჯოს! ჯოს! ჯოს! ვაშა ამ ახალ საქართველოს! ვაშა შენებას! - წერს სამოქალაქო უფლებების დამცველი ნანა კაკაბაძე.

და მაინც, რასთან გვაქვს საშაქე... ამერიკის შეერთებული შტატები და რუსეთი მსოფლიოს ორი უძლიერესი სახელმწიფო და ერთმანეთის მთავარი მოწინააღმდეგეები არიან. ისინი მუდმივად ეჯიბრებიან ერთმანეთს და ცდილობენ, მსოფლიოს დაანახონ საკუთარი შესაძლებლობებით, განსაკუთრებით კი, სამხედრო სფეროში. 2019 წელს, აშშ-ის წლიური სამხედრო ხარჯი \$732 მილიარდი იყო,

რაც მისი მშპ-ის 3.4%-ია. ამავე წელს რუსეთის მნიშვნელოვნად ნაკლები, \$65.1 მილიარდის ოდენობის სამხედრო დანახარჯი ჰქონდა, რაც მშპ-ის 3.9%-ს შეადგენდა. ამასთან ერთად, 2020 წლის მონაცემებით, ამერიკას 1 400 000 აქტიური სამხედრო პერსონალი ჰყავს და 860 000 რეზერვისტი. რუსეთის აქტიური სამხედრო პერსონალის რაოდენობა 1 013 628-ს შეადგენს, თუმცა, მისი რეზერვისტების რაოდენობა ბევრად მეტია და 2 000 000-ს აღწევს. Global Fire Power-ის 2021 წლის სამხედრო სიძლიერის რეიტინგში პირველ ადგილს ამერიკა, მეორეს კი რუსეთი იკავებს. რაც შეეხება ბირთვულ არსენალს, აშშ-ს 5 800, ხოლო რუსეთს მსოფლიოში ყველაზე მეტი — 6 375 ბირთვული ქობინა აქვს.

2021 წლის ცხოვრების დონის ინდექსში ამერიკის შეერთებულ შტატებს 166.98 ქულა აქვს მინიჭებული, რუსეთს კი — 101.67 ქულა. ტექნოლოგიური განვითარებით Global Finance-ის რეიტინგში აშშ მე-5 ადგილზეა, ხოლო რუსეთი 46-ე ადგილს იკავებს. ასევე, UNESCO-ს 2020 წლის კვლევის მიხედვით, კვლევისა და განვითარების (R&D) მიმართულებას ამერიკა მშპ-ის 2.7%-ს მოახმარს, ხოლო რუსეთი — 1.1%-ს.

ამერიკა-რუსეთის ურთიერთობებს გავლენა აქვს საქართველოს საგარეო პოლიტიკაზეც. თუმცა, აშშ-საქართველოს ურთიერთობების ისტორია აჩვენებს, რომ მიუხედავად ადმინისტრაციის ცვლილებებისა, ქვეყნებს შორის ფუნდამენტურ სფეროებში ურთიერთობები კვლავ გაგრძელდება. თუმცა, იმ შემთხვევაშიც კი, თუ ამერიკელი პრეზიდენტი რუსეთთან ურთიერთობების ნორმალიზაციას დაისახავს მიზნად, ამას საქართველოს საგარეო პოლიტიკასა და უსაფრთხოებაზე პირდაპირი უარყოფითი გავლენა სავარაუდოდ არ ექნება.

2008 წელს საქართველოს წინააღმდეგ რუსეთის აგრესიის შემდეგ საქართველომ დასავლეთთან და ამერიკის შეერთებულ შტატებთან ურთიერთობები კიდევ უფრო გააღრმავა. 2009 წელს ამერიკის ჯარს კიდევ რუსეთში პარტიის აღმინისტრაციის პირობებში ხელი მოეწერა სტრატეგიული პარტნიორობის ძარბის, რომელიც 2016 წელს, უკვე დემოკრატიული პარტიის პირობებში, კიდევ უფრო გააღრმავდა. აშშ კვლავაც დაუშტას მხარს საქართველოს სუვერენიტეტსა და ტერიტორიულ მთლიანობას და საქართველოს რეგიონის არააღიარების პოლიტიკას. საქართველოსთვის სავრთხს წარმოადგან ის, თუ რა ნაბიჯებს გადადგამს რუსეთი ნორმალური ურთიერთობების შეფხვა და რამდენად შეაქვს საქართველო ამერიკის შეერთებულ შტატებთან და ნატოსთან ურთიერთობების ისე გააღრმავებას, რომ რუსეთმა საქართველოსთან მიმართებით პოლიტიკური პრობლემების სამართალო გზით გადაწყვეტა გამოირჩეოს.

სტრატეგიული პარტნიორობა და პერსპექტივები

საკუთარი ინტერესების დაუფარავად პოზიციონირება მიღებული ეტიკეტი იქნება. მით უფრო აქტუალურია ჩვენი ქვეყნის მაქსიმალურად თვითკმარ საწყისებზე რაც შეიძლება სწრაფად გადაწყობა. ეს ეროვნული პოტენციალისა და პარტნიორების რესურსის მაქსიმალური რეალიზაციითაა შესაძლებელი.

აშშ და სამყარო - ამერიკის შეერთებული შტატებისათვის გლობალურ ასპარეზზე დგება დრო, როდესაც ჩვენს სტრატეგიულ მოკავშირეს შედარებით ნაკლებად მოუწევს მოვლენების მიმართ დამოკიდებულების მხოლოდ საკუთარი შეხედულებისამებრ განსაზღვრა; გაცილებით მეტად მოუწევს მათ მიმართ სხვათა დამოკიდებულების გათვალისწინება. მოკლედ რომ ვთქვათ, ახალი გეოპოლიტიკური და გეოეკონომიკური კონკურენციის ფაზა მხოლოდ ახლა იკრებს ძალას. ამ ვითარებაში, აშშ-თვის მნიშვნელოვანი ხდება მისი ნებისმიერი პარტნიორი ქვეყნის - ძალისა და მასშტაბის მიუხედავად - სიტყვაც და რეალური ქმედებაც. ეს განსაკუთრებით ეხება იმ ქვეყნებსა თუ რეგიონებს, სადაც

გზაზე არაერთი მიღწევა და წარმატებაა, რომელზეც ახლის დაშენებაა შესაძლებელი. ამავე თვალსაზრისით, თუნდაც, მხოლოდ აშშ - საქართველოს სტრატეგიული პარტნიორობის ქარტია ქმნის გრძელვადიან პერსპექტივას. ერთია ოღონდ: პერსპექტივას დროულად და სრულად გამოყენება სჭირდება. ჩვენი მხრიდან საკუთარულ რაც შეეხება, ეს უნდა იყოს თბილისის მიერ ინიცირებული, გაბეჭდილი ინიციატივები (და ასეთები „გოპონივია“) და არა მხოლოდ იმისა, რომ სხვას გაახსენდები და მოგიკითხავს. პოსტდამოუკიდებლობის პერიოდის ინერცია დასაშვებზე მეტად გახანგრძლივდა და იგი უნდა დასრულდეს.

ამ მიზნად რთულ პროცესში მხოლოდ წარმატება გზაზეა ვსუპერში რუმორც მთავარ მოკავშირეს, ისა ჩვენს ქვეყანას. რამდენად დიდი და კომპლექსურიცაა არსებული გამოწვევები, იმდენად აუცილებელი და პერსპექტიულია ჩვენი სტრატეგიული პარტნიორობა - აშშ-ის ანალიტიკური ორბანიზაცია „ჰიუმი-სის“ თავმჯდომარე ვიქტორ ყიფიანი.

გვერდი მოამზადა ხათუნა ბენავილიძე

ხორნაბუჯელთა ტრადიციული ისტორია

/მეზუთე გვერდიდან/

“...ბერი ხორნაბუჯელს ერთადერთი ვაჟი ჰყავდა, სიკეთე-აღმატებული შალვა, საღირისძეთა უკანასკნელი იმედი. თითქოს გრძნობდა ოჯახი მომავალ უბედურებას. შალვას რამდენიმე ძე და ასული ჰყავდა. თორღვა პანკელის სიკვდილის შემდეგ, შალვას ორი ბავშვი მყისვე მოკვდა: ერთი ფრიალო კლდიდან გადმოვარდა, მეორე შხამიანმა ჯოჯო დაგესლა. თითქოს ბოლომდე უნდა შეესვა შხამით სასვე ფიალა უკვე სიბერეში შესულ ბერს. ორი შვილიშვილის დაღუპვის შემდეგ მალე მთელი საერისთაო საშინელი კატასტროფის წინაშე აღმოჩნდა. ოქროს ურდოს მბრძანებელი ბერქა-ყაენი სამას ათასიანი ლაშქრით დაიდრა სამხრეთის მონღოლთა ურდოს - საილხანოს წინააღმდეგ. ჩრდილოეთელებმა გამოიარეს დარუბანდი და აპირებდნენ ირანში შეჭრას.

1263 წელი იყო, თვე აპრილი.
 რალაც საოცრად ადიდებული მოდიოდა მდინარე მტკვარი. ვერაფრით ვერ გადალახეს ბერქას მეომრებმა მდინარე. ჩვენდა საუბედუროდ ვილაცამ ურჩია ყაენს, გაჰყოლოდა მტკვრის მარცხენა ნაპირს, თბილისში ასულიყო და მეტეხის ხიდით გადასულიყო სამხრეთში. დაიდრა ბერქა და ერთი მზგებლის შემდეგ ხორნაბუჯის

საერისთაოში ჩამოაღწია მონღოლთათართა უზარმაზარმა ბრბოებმა. მტერმა “მოჭამა“ ივრისპირეთი და ალაზნისპირეთი, გაანადგურა აყვავებული სოფლები, გაძარცვა ეკლესია-მონასტრები, შემუსრა ციხე-სიმაგრეები. ქუდზე კაცი გამოიძახა შალვა ბერის-ძე საღირისძემ. ხორნაბუჯის საერისთაოს ლაშქარი თანამედროვე მალაროს სამხრეთით განლაგდა, ყათრების ქედის წინამდებარე ველზე. ხუთი-შვიდი ათასი კაცის გამოყვანა შეეძლო მხოლოდ შალვა ერისთავს.

აქეთ ხუთი-შვიდი ათასი ქართველი, იქით სამასი ათასი თათარი. არ გაჰყოლია ლაშქარს ბერი ხორნაბუჯელი, ეშინოდა ალავერდის შურისძიებას, მის გამო სხვებიც არ დაეღუპა, ამო გამოდგა მისი ცდა. ხატის სასჯელი ტანჯვას ნიშნავს, სიკვდილი კი ტანჯვისგან გათავისუფლებას. სანამ ბოლომდე არ შესვამდა შხამის სამსალას ერისთავთ-ერისთავი, მის სულს მიქელ-გაბრიელი არ მიიღებდა. უთანასწორო ფიცხელი ბრძოლა გაიმართა ქიზიყის ბოლოს...

მინა ინვოდა მხედართა ფეხთა ქვეშ, დაემსხვრათ ქართველებს მახვილები... შემოეფლიათ ჯაჭვის პურანგები... სისხლისფრად შეიღება პატარა მდინარე ოლე... თათართა გვაშებისაგან მთელი ბორცვები აღიმართა ივრისპირეთში.

სამი ვაჟით იბრძოდა შალვა საღირისძე, სამივე დაეცა გმირული სიკვდილით... გაშმაგდა მამა... გაარღვია მონღოლ-თათართა რაზმები, მიიჭრა ყაენთან, ხმლით გადაუსერა მხარი, აჩეხეს შალვა მონღოლებმა... სამი დღის შემდეგ ბერქა-ყაენიც გარდაიცვალა გარეჯის მთებზე.

ისტორიული ტრადიციით ღმერთმა დასაჯა. ლეგენდა კი ამბობს, შალვა ხორნაბუჯელის მახვილისაგან მიყენებულმა ჭრილობამ მოუსწრაფაო სიკვცხლე!

გარეჯის მთებიდან უკან გაბრუნდა მონღოლთა ლაშქარი, თითქოს მართლაც ალავერდის ხატის შურისძიებამ მოიყვანა მომხედური აქ. მონღოლებმა ხორნაბუჯის საერისთაო შემუსრეს და უკან წავიდნენ. სამი დღე ელოდა ბერი ხორნაბუჯელი საყვარელ ვაჟს და შვილიშვილებს ბრძოლის ველიდან. სამი დღის შემდეგ მიხვდა, არავინ მოვიდოდა ბრძოლის ველიდან, თუნდაც მაცნე. ძალზე ბევრი იყო მომხედური, ჩანს ერთი კაციც ვერ გამოიმეტა შალვამ მალემსობოლის როლისათვის. აღიჭურვა ბერი ხორნაბუჯელი, რამდენიმე მოხუცი მეომარი და მღვდელი გამოიყოლა, შვიდი დღე ეძებდა ნაომარ ველზე საკუთარ ნაშიერებს, ვერაფრით ვერ გამოარჩია, ვერც შალვა და ვერც მისი სამი ვაჟი დაღუპული მეომრებიდან. უხმოდ დაბრუნდა დაცარიელებულ ქალა-

ქში, სულ მალა, ზესთა კოშკზე ავიდა, ოთხი ანთებული სანთელი ხელში დაიჭირა და ზეცას შეღალადა: “ალავერდის წმინდა გიორგის ხატო, ხომ ბოლომდე მაჩვენე უბედურება ჩემი, ხომ იცი უბრალო ვარ, მეფის ნდობამ წაბილწა სული ჩემი, ახლა მაკმარე სასჯელი დიდი, მიმიღე!” მაღალი ფრიალო კბოდედან გადაეშვა ბერი ხორნაბუჯელი, ქვასავით დაენარცხა მიწას...

ქიზიყში ეხლაც გიჩვენებენ ზესთა კოშკის წინ, ოდნავ შენითლებულ ქვის ბასრ ნატეხს, ამ ქვაზე წამოეგოო ერისთავთ-ერისთავი, სწორედ მისი სისხლით არის შენითლებული ეს ბასრკბილა, კაჟი ქვა, შეღამებისას კი ზესთა კოშკიდან ისმის ტირილი მოხუცი კაცისა. ქარიან დღეს ეს ხმა კლდის ნაპრალებში დარბის, მაშინ ნათლად გამოიკვეთება სიტყვები: „სადა ხარ შალვა, საღირ, დავით, გიორგი“. ეს მოხუცი ბერი ეძახის შვილს და შვილიშვილებს.

ასე დასრულდა ბაგრატიონთა ჩამომავლების, მეუპოვარი მახატლისძეების, ხორნაბუჯელთა სახელოვანი გვარის შვილდასწლიანი ისტორია.

მომზადა
ინგა შიოლაშვილმა

„ბიბლიოთეკა ყველგან, სადაც ხარ“

23 აპრილს დედოფლისწყაროს მუნიციპალიტეტის ცენტრალურ ბიბლიოთეკაში საბიბლიოთეკო კვირეული გაიხსნა-სლოგანით „ბიბლიოთეკა ყველგან, სადაც ხარ“.

კვირეულის გახსნა დამსწრე საზოგადოებას მიულოცა ცენტრალური ბიბლიოთეკის დირექტორმა მანანა მაჭარაშვილმა, რომელმაც საბიბლიოთეკო კვირეულის მნიშვნელობაზე ისაუბრა. ქალბატონმა მანანამ ასევე აღნიშნა ის სირთულეები, რომელიც ბიბლიოთეკას გასულ წელს პანდემიამ შეუქმნა. შარშან კვირეული არ ჩატარებულა, შესაბამისად, ბიბლიოთეკები დაკარგული დროის ანაზღაურებას წელს მაქსიმალურად შეეცდებიან. გარდა ამისა, ცენტრალური ბიბლიოთეკის ხელმძღვანელმა ის იუბილარი და ღვანლმოსილი ბიბლიო-

თეკარებიც გაიხსენა, რომელთაც განსაკუთრებული წვლილი აქვთ შეტანილი მუნიციპალიტეტის საბიბლიოთეკო საქმიანობის განვითარებაში. ქალბატონმა მანანამ, დამსწრე საზოგადოებას ქართული ენის დღეც მიულოცა, რომელსაც მუხრან მაჭავარიანის ლექსი „მე ისეთ ქართველს რა ვუთხრა“ მოჰყვა მარიამ ფიროსმანაშვილის შესრულებით. ნიკო ფიროსმანის ოთახის პრეზენტაციის შემდეგ ლექსები მხატვრულად წაიკითხეს: ლალა ჩოფიკაშვილმა (შოთა ნიშნიანიძე - გოგებაშვილის - დედა ენა), მარიამ ალუღიშვილმა (იანა ნიშნიანიძის - აი ია), დემეტრე ფიროსმანაშვილმა (შოთა ნიშნიანიძის - დედა ენა).

თბილისი 2021 წელს გამოცხადდა ნიგნის მსოფლიო დედაქალაქად. შესაბამისად, კვირეულის სიმბოლური გახსნის



პარალელურად აღინიშნა ნიგნის საერთაშორისო დღე. გარდა ამისა, ნიგნის ჩუქების დღესთან დაკავშირებით, ბიბლიოთეკის თანამშრომელმა თინათინ სულაშვილმა რამდენიმე აქტიურ მკითხველს საჩუქრად ნიგნები გადასცა. ასეთივე საჩუქარი მიიღო ბიბლიოთეკამ მკითხველებისგანაც. „ნიგნი კაცობრიობის გენიის ნაანდერძევი თაობიდან თაობაში გარდამავალი უძვირფასესი მემკვიდრეობაა. ნიგნი ძვირფასი საჩუქარია, ავტორისაგან ადამიანთა მოდგმისთვის ნაანდერძევი. ბიბლიოთეკის პრაქტიკაში ფართოდაა გავრცელებული ნიგნის პროპაგანდის ზეპირი ფორმები. ამ ფორმას მკითხველზე განსაკუთრებული ზეგავლენის მოხდენა შეუძლია. ვფიქრობ, რაც უფრო მეტად წაიკითხავს ადამიანი კარგ ნიგნს, უფრო მეტად წაიკითხოს, გა-

ნათლებული და ჭკვიანი იქნება ის. ადამიანი, რომელსაც ხელში კარგი ნიგნი უჭირავს, არასდროს რჩება მარტო.“ - აღნიშნა თინათინ სულაშვილმა. მან რამდენიმე აქტიური მკითხველიც დაასახელა: ნატალია ალუღიშვილი-ოზაშვილი, ანა გოზალიშვილი, თემურ ჯიბლაშვილი.

დედოფლისწყაროს კულტურისა და ძეგლთა დაცვის ცენტრის დირექტორმა ილია მარტყოფლიშვილმა ცენტრალური ბიბლიოთეკის ღვანლმოსილი თანამშრომლები და საბიბლიოთეკო გაერთიანების ხელმძღვანელი მანანა მაჭარაშვილი მადლობის სიტყვებით დააჯილდოვა და სიმბოლური საჩუქრები გადასცა. კვირეული 30 აპრილს დასრულდება.

სათუნა ბენაშვილი



გამოსათხოვარი



იზა ბაილოშვილი

დედოფლისწყაროს კიდევ ერთი კარგი ქალბატონი დააკლდა. ქალი, რომელიც თავისი გარეგნული თუ შინაგანი მშვენიერებით ალამაზებდა ქალაქს...

მე, როგორც ამ ორგანიზაციის ხელმძღვანელს, დიდხინი და ოჯახური ურთიერთობა მაკავშირებდა მასთან. წლების მანძილზე ერთად მოვდიოდით, ჩვენს შვილებს ერთად ვზრდით...

კიდევ ერთხელ დამარწმუნა ამაში. გემშვიდობები, ჩემო მეგობარო! შეხვედრამდე, იმქვეყნიურ სასუფეველში!

ნელი გოგავიშვილი მოჯახნი

რალაც იწყება, და მთავრდება... ხშირად უფრო ადრე, ვიდრე ველით... მთავრდება ისე, რომ ვერც ვიპოვებ... უმანკო სული მოდის და მიდის, მიდის სადღაც შორს, უსასრულობაში...

ელენე ბაილოშვილი, ლელა ბეჟაშვილი, გელა ქადაგიძე, ლალი ბაქალაშვილი

დედოფლისწყაროს მუნიციპალიტეტის მერიის საფინანსო-საბიუჯეტო სამსახურის თანამშრომლები იუნჯებინან, რომ გარდაიცვალა

იზა ბაილოშვილი - ბაცაცაშვილი

და თანაგრძნობას უცხადებენ განსვენებულის ოჯახს.

ალიკა და გია ობოლაშვილები, გელა გველუკაშვილი, გურამ ჯანიაშვილი და დიმა ტოკლიკიშვილი ოჯახებით ღრმა მწუხარებას გამოთქვამენ უახლოესი მეგობრის

ბადრი გობლიძის

გარდაცვალების გამო და თანაგრძნობას უცხადებენ განსვენებულის ოჯახს.

შვილი გია მაჭარაშვილი ოჯახით, ძმები: ნოდარი, ვახტანგი, ძმისშვილები: თამილა, ლევანი, მარიკა, თამარიკო ჭიჭინაძეები; დისშვილები ნელი, ლია. ბიძაშვილები: ლამარა, ნანა ჭიჭინაძეები, ბიძაშვილისშვილები: გია, გოჩა ნიკვაშვილები, მარიკა პოპიაშვილი მამიდაშვილის ცოლები: ლილი ბეგიაშვილი, ლამარა მატიაშვილი, მამიდაშვილისშვილები: ნინო, ნანა, ზურაიკო, ლია, ლალი, დათო შეითინიშვილები ოჯახებით ღრმა მწუხარებას გამოთქვამენ, რომ გარდაიცვალა

ლილი ლევანის ასული შიჭინაძე.

დაიკრძალა 17 აპრილს თბილისში.

ნაზი მოსაშვილი და ილიკო ბიკაშვილის ოჯახი თანაგრძნობას უცხადებენ ნათელა, შორენა, გოჩა და ხვიჩა ბოლქვაძეებს, მუხრან ბიკაშვილს მეუღლის, მამის და სიმამრის


ანზორ ბოლქვაძის

გარდაცვალების გამო.

მონატრება

ზაზა პოპიაშვილი

შენ ოცდაშვიდი გაზაფხული იკმარე მხოლოდ! მეთხუთმეტედ... ფიქრიც კი მზარავს, რომ ასე უნდა ველოდო სიცოცხლის ბოლომდე რამდენი გაზაფხული მოვა უშენოდ, ჩემო ზაზა.



ქრისტე აღსდგა, ზაზა! მეთხუთმეტედ ვხვდებით აღდგომას უშენოდ, შვილო. 15 წლის წინ, 24 აპრილს, აღდგომის ბრწყინვალე დღესასწაულის, ბრწყინვალე შვიდეულის პირველსავე დღეს, უფალმა მიიბარა შენი ლამაზი სული.

15 წლის წინ სიყვარულს და სიცოცხლეს აფრქვევდი, ყველა გიყვარდა. შენს ლამაზ ცოლ-შვილს ეფერებოდი. რას წარმოვიდგენდით, რომ ასეთი ხანმოკლე აღმოჩნდებოდა შენი სიცოცხლე. გყავდა ერთგული მეუღლე და ანგელოზი შვილი. ათას გეგმებს აწყობდით სამომავლოდ, მაგრამ უღმობელმა სიკვდილმა აღარაფერი გაცალა. ამ ქვეყნიდან მაშინ წახვედი, როცა შენს საყვარელ ნათიას და შენს პატარა ლიკას სჭირდებოდა.

სად გექებო, ჩემო ძვირფასო? ცაში რომელი ვარსკვლავის ციმციმი მივამსგავსო შენი ლამაზი მწვანე თვალების ბრწყინვას? ჰაერის რომელი მხრიდან ჩამოქროლება ეგონოს დედას შენი მოფერება?

მხოლოდ 27 წელი, მარად ახალგაზრდობა-ასეთი იყო შენი ბედისწერა. რატომ? ამას ვერავინ პასუხობს, რადგან ღმერთმა ასე ინება და რჩეულებს შორის მიგიჩინა ადგილი.

დედ-მამის მწუხარება უსაზღვროა, არანაირი გასაჭირი არ უტოლდება შენის დაკარგვას, შვილისა, რომელმაც სიყვარულისა და სიცოცხლის ფასი ასე კარგად იცოდა.

15 წელი დედას აღარ უნახხარ, შვილო. შენზე დანთებულ ყველა სანთელი ცრემლიანია, მოგიკვდეს დედა. შენი სული მფარველ ანგელოზად მოუვლინე შენს ცოლ-შვილს. ზაზა, შენს ლიკას ხომ სიზმარივით ახსოვხარ. ის ხომ მხოლოდ 4წლის იყო. ახლა 19 წლის არის შვილო, მეორე კურსის სტუდენტია გენაცვალოს დედა.

რაც დრო გადის, უფრო მიჭირს უშენობა, ვერ ვეგუები იმ აზრს რომ აღარ მყავხარ. უზომოდ მენატრები ჩემო ზაზა. ყველაფერი ისევ სიზმარი მგონია და მინდა, ერთ დღესაც გავიღვიძო, დაგინახო, გულში ჩაგიკრა, მოგეფერო, დაგიკოცნო ლამაზი თვალები და გითხრა: „ძალიან მომენატრე ჩემო სიცოცხლე, მიყვარხარ და აღარ მიმატოვო მეთქი.“ ძალიან მენატრები, შვილო და ისეთი ძლიერია ეს მონატრება, რომ თავს ვეღარ ვერევი, გიხმობ, გეძახი, მაგრამ არ მპასუხობ. სიცოცხლე სასჯელად მიქცეე შვილო. შენი ძმა ფრთამოტეხილი ჩიტვით დადის შვილო. ძალიან უყვარხარ და ენატრები. შენს სიყვარულს შენს შვილში იკლავს.

შენს მშობლებს, შენს ახლობლებს, მეგობრებს მხოლოდ ისე ვაგვარჩენია, გავიხსენო შენთან დაკავშირებული ყოველი ლამაზი წუთი, მოვიდეთ საფლავზე, მოვფეროთ შენს ლამაზ, სევდიან თვალებს, ავანთოთ სანთელი და ვილოცოთ შენი ლამაზი სულისთვის.

„უფალს უყვარდი და თავისთან წაგიყვანა, შენთან რა ხელი აქვს სიკვდილს. ზაზა!-დავინყება არ გინერია, ეს თვითონ უფალმაც იცის.“

შენი მოჯახნი

მონატრება

თენგიზ იაკობიშვილი

უკვე ორმოცი ტკივილიანი დღე გავიდა, რაც მარადისობაში გადაინაცვლე. ასე ამბობენ, დრო მკურნალიაო, მაგრამ რაც დრო გადის, უფრო მტკივნეული ხდება შენი მონატრება.



ავადმყოფობამ მაშინ დაგრია ხელი, როცა ყველანაირად წელში გაიმართე, შენი შრომა დაგიფასდა და გალალეზულს მარტო სიცოცხლით ტკბობა გევალებოდა. გულდასაწყვეტია, რომ ვერ გაიხარე შენს შვილებთან და შვილიშვილებთან, რომლებიც უზომოდ გიყვარდა. მხარი ჩამოუგდე შენს ერთგულ და ოჯახისთვის მზრუნველ მეუღლეს.

მიუხედავად შენი შვილების გიორგის და თამუნას და ახლობლების თავდაუზოგავი მცდელობისა, ვერ დაგისხენით სიკვდილისგან, მაგრამ შენ სიკვდილმა მაინც ვერ დაგამარცხა, რადგან ამ სამყაროში დატოვე კეთილი, გულმონყალე კაცის სახელი და შენი შექმნილი მტკიცე ოჯახი.

მარტის 17 რიცხვი ჩვენთვის მოუშუშებელი ტკივილი იქნება, ძმაო. ორმოცი დღე გავიდა, რაც სასუფეველის კარი შეაღე. ალბათ, უფლის წინაშე უკვე წარსდგები და ღირსეულ ადგილს დაიკავებ საუფლოში, რადგან შენნაირი მაღლიანი ადამიანის ადგილი სწორედ იქ არის. დაე, ჩვენმა დანთებულმა სანთელმა გზა გაგინათოს, ნათელი დაგიმკვიდროს და განისვენე იქ, სადაც მართალნი განისვენებენ. იძინე ტკბილად, ჩემო საფიცარო ძმაო თენგიზ.

შენი და მარტო იაკობიშვილი

თამაზ უზუნაშვილი

ჩვენო გაუსაძლისო ტკივილო, ძმაო თამაზი. ტკივილი, რომელიც შენი დაკარგვით არის გამოწვეული არ ნელდება. რვა თვე გავიდა რაც ჩვენს გვერდით აღარ ხარ. მოწმენდილ ცაზე მეხის ჩამოვარდნას გავაშენე შენი სიკვდილი, მაგრამ ჩვენს ოჯახს ხომ პირველა დ მაშინ დაეცა მეხი, როდესაც ჩვენი და - ნელი გარდაიცვალა.



3 აგვისტოს, სალამოს შვილისთვის ოჯახში იყავი მეუღლესთან ერთად.წამოსვლისას დაემშვიდობე ყველას, შვილიშვილები გულში ჩაიკარი, მშვიდობიანი ღამე უსურვე და თან დაპირდი: დილით ისევ მოვალო. მაგრამ ვაი, რომ დილა აღარ გაგიტენდა.

გარდაცვალებამდე ორი დღით ადრე ტელეფონით მესაუბრე და მითხარი, რომ სამსახურში დაკავებული ვარ, საქმეებს მოვითავებ, ჩამოვალ და დიდ დროს გავატარებ შენთან. ვეღარც ჩამოხვედი და ვერც ჩამოგიყვანე, ძმაო. სამუდამო სასუფეველი თბილისში დაიმკვიდრე. -ოჯახმა ასე გადაწყვიტა. ჩემო კეთილო და სიკეთის მთესველო ადამიანო, ამის დადასტურება იყო ის, რომ საბოლოო გზაზე უამრავმა ხალხმა გაგაცილა და დაგიტირა.

ძმაო თამაზი, შენ ხომ ჩემთვის ყველაფერი იყავი, შენ და შენი მეუღლე ჩემი შვილის და შვილიშვილის გამზრდელები. მათ საკუთარისგან არ არჩევდით- დღემდე ასეა. ჩემი ეკასთვის სახელად იყავი ბიძა, თორემ მამობას უწევდი. მოდის აღდგომა, რომლის მოსვლა ძალიან გიყვარდა და მიხაროდა იმიტომ რომ ამ დღისთვის აუცილებლად ჩამოხვიდოდი შენს ოჯახთან ერთად. მოვინახულებდით მშობლების საფლავებს. შენ არა მარტო მათ დაუნთბდი სანთლებს, მთელ უზუნაშვილებს მიულოცავდი აღდგომას და შენდობას შეუთვლიდი- ისინი ხომ ბევრნი არიან იქ.

ამ აღდგომას კი მე ჩამოვალ, ძმაო. მოვალ შენს საფლავზე ჩემსა და შენს ოჯახთან ერთად, ავინთებ სანთელს, დაგინამავ საფლავს ცრემლით, ვეამბორები შენს სურათს, მოგილოცავ აღდგომას და უფალს შევთხოვ, გზა გაგინათოს მარადიულ სასუფეველში, სადაც მართალნი განისვენებენ.

შენი და ლამარა (ლოლო) უზუნაშვილი

განხილვა

ვაჟა ბოსტაშვილი

შვიდი გიორგობა, შვიდი აღდგომა და შვიდი შავი წელიწადი შენი გარდაცვალებიდან, რომელსაც უშენოდ ვხვდებით.ძნელია მარტოდ დარჩენილი შენი მეუღლისთვის და შვილებისთვის არსებობა. შენ უკვე სამი შვილიშვილის პაპა ხარ და იმედია გახარებული იქნებოდი მათით.ელენა და ლუკა პირველი კლასის მოსწავლეები არიან, გეგა კი საბავშვო ბაღში დადის, რომელიც ძალიან გგავს შენ. შენი დაკარგვა იმდენად მძაფრია, იმდენად მტკივნეული, თითქოს გულიდან რალაცა მოგვლიჯეს.სწორედ ასეთი ტკივილი გვარგუნა ღმერთმა, როდესაც წაგვართვა უდროოდ შენი სპეტაკი სული, რომელიც იყავი ყველასთვის საყვარელი და უძვირფასესი მამა და მეუღლე, რომელსაც ახლა უფრო ვათვითცნობიერებთ. მჯერა რომ არამინიერ ქვეყანაში გრძელდება სიცოცხლე სიკვდილის შემდეგ და იმისიც ვჯავერა, რომ ახლა შენ გიყუარებ და ამყავობ შენი შვილები და შვილიშვილები.

მსუბუქი იყოს შენს მკერდზე დაყრილი მინა, ღმერთმა სასუფეველი დაგიმკვიდროს, ჩვენო კეთილო ადამიანო.

კიდევ ერთხელ გილოცავთ აღდგომის ბრწყინვალე დღესასწაულს და გიორგობას.

შენი ოჯახი: მეუღლე, შვილები და შვილიშვილები.

კ ი დ ე ვ ე რ თ ი წ ა რ მ ა ტ ე ბ ა . . .

სპორტი

დასრულდა თბილისის ღია პირველი ლიგა, სადაც დედოფლისწყაროს უშუს გუნდმა კვლავ საუკეთესო შედეგებით იასპარეზა. ჩამორჩენილი ბასლენი

- *ნიკა ნიკლაური
- *გიორგი ნიკლაური
- *საბა ბუთხუზი
- *ლოვა ბაიროიანი
- *გივი გორჩილაძე
- *ლუკა პოპიაშვილი
- *ნიკა ჩიტინაძე
- *მიროსლავ პაპიშვილი
- *კახა ჩალახუაშვილი
- *ვაკო მოსაშვილი
- *ნიკა ხარაზიშვილი
- *ნატალია ლაპიაშვილი

მესამე ადგილი არცერთ ჩვენ სპორტსმენს არ დაუკავებია. გთავაზობთ ინტერვიუს დედოფლისწყაროს უშუს გუნდის მწვრთნელთან ბიორბი ცინცაბაშვილთან:

გიორგი, თქვენი 7 პირველი ადგილი მოიპოვეთ თბილისში გამართულ ტურნირზე, როგორ შეაფასებთ აღნიშნულ შედეგს?

- დიდი მადლობა ინტერვიუსთვის, შეჯიბრებაზე საქართველოს დახლოებით 10-12 გუნდი იღებდა მონაწილეობას, კონკრეტულად უშუ-სანდაში 16 წონით კატეგორიაში გაიმართა შეჯიბრება, 16 წონიდან კი 7 წონაში პირველი ადგილი ჩვენ

მოვიპოვეთ. დანარჩენი ცხრა პირველი ადგილი კი დანარჩენმა გუნდებმა გაიყვეს, აქედან გამომდინარე ვფიქრობ რომ შედეგი საუკეთესო იყო, გუნდურ ჩათვლაში ჩვენი გუნდი პირველ ადგილზე გავიდა.

თქვენი გუნდიდან რომელი სპორტსმენის მონაწილეობას გამოარჩევდით?

- ძალიან ძნელია რომელიმე კონკრეტულად გამოვარჩიო, რადგან ვინც ჩემპიონი გახდა ყველამ საუკეთესოდ იასპარეზა, მაგრამ განსაკუთრებულად შემეძლია გავიყვარო პატარა ნიკა ნიკლაურის და ბივი გორჩილაძის ბრძოლები, მათ ორ-ორი ბრძოლა დომინანტით ამკარა უპირატესობით გამოარჩევს.

როგორია თქვენი სამომავლო გეგმები?

- სამომავლოდ დიდი ალბათობით გვემგზავრებიან ქუთაისში, რადგან შემდეგი კალენდარული შეჯიბრება ქუთაისშია ჩანიშნული. მაქსიმალურად ვეცდებით იქაც ვასახელოთ დედოფლისწყარო.

მუნიციპალიტეტიდან თუ გაქვთ მხარდაჭერა?

- რა თქმა უნდა, შეჯიბრებებზე მონაწილეობის ხარჯებს მუდმივად გვიფინანსებს ჩვენი მერია და ამ მხრივ ვგრძობთ მათ დიდ მხარდაჭერას, ასევე ჩვენი რაიონის მოსახლეობისგან, ემიგრანტებისგან ვგრძობთ დიდ მხარდაჭერას და სიყვარულს,

რისთვისაც ყველას, მათ დიდ მადლობას ვუხდით.

მინდა გითხროთ როგორი მდგომარეობა გაქვთ სავარჯიშო ინვენტარის მხრივ?

- რაც შეეხება სავარჯიშო ინვენტარს, რამდენიმე თვი წინ უშუს ფედერაციამ 3000 ლარის ინვენტარი გადმოგვცა საჩუქრად, რამაც ძირითადი დანაკლებები შეავსო, თუმცა, გარკვეული ინვენტარის საჭიროება კიდევ გვაქვს, რომელიც დაახლოებით 2-3 ათასი ლარის დამატებით თანხას მოითხოვს, რაც ადრე თუ გვიან აუცილებლად მიიღწევა და შევქმნით ინვენტარით სრულად აღჭურვილ ბაზას.

და ბოლოს, თქვენ ხშირად ერთვებით საქველმოქმედო და გამწვანების, ასევე დასუფთავების აქციებში, ამ მხრივ უნდა ველოდოთ თუ არა თქვენი გუნდისგან კვლავ რაიმე სიახლეებს და აქტიურობას?

- აუცილებლად, 2021 წელს ჩვენი გუნდი 10 წლის ხდება და დაგეგმილი გვაქვს



დალიან ბევრი აქტიურობა, წინასწარ არ მინდა საუბარი ამ თემებზე, მაგრამ აუცილებლად გვექნება აქტიურობები. დედოფლისწყაროს უშუს გუნდი მადლობას უხდის ყველა გულშემატკივარს და ასევე დედოფლისწყაროს მუნიციპალიტეტის მერიის სპორტის ცენტრს და მარაბისტს.

ესაუბრა ვალერი კოკილაშვილი

„ყველაფერი გაგაკეთეთ, რომ ქართველი გულშემატკივარი გაგვეხარებინა“

„იმ კონკრეტულ მომენტში, დარბაზში ასპარეზობისას, ლაშა ბექაური ჩვეულებრივი ადამიანი აღარ არის - ქართულ გუნდს, ქართულ ბრძოლისუნარიანობას და ყინს, რითაც ყველა ვამაყობთ - ჩვენი წარსული, იმ დღეს, იმ კონკრეტულ მომენტში, როდესაც ლაშა იბრძვის, იქ ვხედავ ამ ყველაფერს. ჩვენთვის ის ტროიკა არის და მომავალიც“ - ამის შესახებ ჟურნალისტი ნაკრების მთავარმა მწვრთნელმა, ლაშა გუფეჯინამ განაცხადა.

საქართველოს ნაკრების ევროპის ჩემპიონ-



ნატზე 14 ჯუდოკატი იყო წარმოდგენილი და ჯამში 5 მედალი მოიპოვა, მათგან 1 ოქრო, 3 ვერცხლი, 1 ბრინჯაო.

60 კგ-ში ერთადერთი მონაწილე გვეყავა. თემურ ნოზაძისთვის უფროსებს შორის ოფიციალურ ტურნირზე დებიუტი ვერ გამოდგა წარმატებული. მისი პირველი შეხვედრაში მარცხი, თელავიდან და თბილისში ზედიზედ ალბათი მედალების შემდეგ, მოულოდნელი იყო. ვფიქრობთ, აღნიშნულის მიზეზი შესა-

ძლოა, ემოციური ფონი ყოფილიყო, რომელიც დიდ ტურნირებს ყოველთვის ახლავს და ნოზაძეს ფსიქოლოგიური მომზადება არ ეყო. ვფიქრობთ, ამ ბიჭს აქვს იმის პოტენციალი დიდი შედეგებისთვის იბრძოლოს და საერთოდაც მისი სახით 60 კგ-ში კარგ შედეგებს ვიღებთ. იმედია, შემდეგისთვის დაძლევის იმ პასუხისმგებლობის ტვირთს, რაც დიდ ტურნირებს ახლავს და მეტად მობილიზებული და დაკვირვებული იქნება.

66 კგ-ში ვაჟა მარგველაშვილი ვერცხლის მედალოსანი გახდა. კონტინენტის პირველობაზე ეს მისი მესამე მედალია. მარგველაშვილი ჩვენს ნაკრებში ერთ-ერთი ყველაზე სტაბილური ჯუდოკაა და მედლის გარეშე ასპარეზობას ფაქტობრივად არ ასრულებს, თუმცა ისიც აღსანიშნავია, რომ 2018 წლის შემდეგ მარგველაშვილს ოქროს მედალი არ ჰქონია. გადამწყვეტ მომენტებში თითქმის ყოველთვის აკლებდა კონტენტაციას, უშედეგს ერთსა და იმავე შეცდომას. ევროპის ფინალშიც ის ტექნიკური ხარვეზი, რაც ჰქონდა გამოწვეული იყო სიჩქარით და დაუკვირვებლობით. თუმცა, ისიც უნდა ვთქვათ, რომ ამ ეტაპზე მანუელ ლომბარდო ობიექტურადაც მასზე ძლიერია.

73 კგ-ში ლაშა შავდათუაშვილის ასპარეზობაზე ახალს ვერაფერს ვიტყვით და განვმეორებთ, რომ მისგან არაფერი არ გვეკვირს - შეუძლია ნებისმიერს მოუგოს, ან ნებისმიერთან ნაგოს. მოგეხსენებათ, 73 კგ-ში ლაშას მეტს ოლიმპიური ლიცენზია არც არავის აქვს, შესაბამისად ორმაგად მეტად უნდა მობილიზდეს ოლიმპიური თამაშებისთვის და ტოკიო 2020-ს ფორმის პიკში შეხვდეს (ლისაბონში ის ცალსახად ცუდ ფორმაში მყოფი ვიხილეთ).

81 კგ-ში მონაწილე არ გვეყოლია. 90 კგ წონით კატეგორიაში კარგის მეტი არაფერი გვექმის. ამკარაა, რომ ორივე

სპორტსმენი - ლაშა ბექაურიც და ბექა ღვინიაშვილიც ძალიან კარგ ფორმაში შეხვდნენ ევროპის პირველობას, რაც მათ შთაბეჭდავს ასპარეზობაზეც აისახა. ორივემ ერთი ამოსუნთქი გაიარა წინასწარი შეხვედრები და ფინალიც ძალიან დაძაბული და სანახაობრივი აღმოჩნდა. რაც ყველაზე მთავარი და მნიშვნელოვანია ორივე ჯუდოკა - გამარჯვებულიც და დამარცხებულიც დამდარ შედეგს შეხვდა ღირსეულად. თანაბრად სასიხარულო იქნებოდა ნებისმიერის გამარჯვება და თანაბრად გულდასაწყვეტი ნებისმიერის მარცხი.

აღსანიშნავია, რომ ლაშა ბექაურსა და ბექა ღვინიაშვილს შორის ოლიმპიური კონკურენციის დანებების შემდეგ ორივე მათგანს მხოლოდ პროგრესი ჰქონდა და მათზე აღნიშნულმა ძალიან დადებითად იმოქმედა - ბექაური საგრძნობლად გაიზარდა, ჩამოყალიბდა, დადინჯდა და უფრო დაკვირვებული გახდა, ხოლო ღვინიაშვილმა ძალიან მოუმატა და დაიბრუნა ის სტილი, რითაც შედეგებს დებდა და რითაც ასე ძალიან მოგვწონდა ჯუდოს გულშემატკივრებს. უნდა ვთქვათ აუცილებლად, რომ მას ძალიან ნაადგა ფიზიკური ვარჯიშის იეიკო ერგემლიძესთან დანებება. ასეთი სპორტსმენების ჯანსაღი კონკურენციით კი ყველაზე მეტად ქვეყანა ხეირობს და ჩვენც მხოლოდ უმაღლეს შედეგებს ველოდებით მათგან.

100 კგ-ში ვარლამ ლიპარტელიანმა კიდევ ერთხელ დაამტკიცა, რომ კვლავ უმაღლესი კლასის ჯუდოს არჩენებს. მან კონტინენტის პირველობაზე მე-10 მედალი მოიპოვა. ძალიან სანყენია, რომ მედლის სინჯი ვერცხლი აღმოჩნდა და ლიპარტელიანის კარიერაში მორიგი წაგებული ფინალი ჩაინერა. დაგვეთანხმებით, მისი მალაღობის ჯუდოკა მხოლოდ პირველობას იმსახურებს. იმედია, მომდევნო ტურნირებზე მოახდენს სრულ კონცენტრაციასა და მობილიზებას შეჯიბრე-

ბის ყველა ეტაპზე და ნანატრ მსოფლიოსა და ოლიმპიური ოქროს დაისაკუთრებს.

უფროსებს შორის სადებიუტო ოფიციალური შეჯიბრება იყო ევროპის ჩემპიონატი ილია სულამანიძისთვის. ქართველთა ასპარეზობიდან ყველაზე გულდასაწყვეტი სწორედ მისი უმელოდ დარჩენა იყო, რადგან საკმაოდ კარგი შეხვედრები ჩაატარა და დაიმსახურა სულ მცირე პრიზიორობა მაინც. 100 კგ-შიც ნათელი შანსი გვექონდა ქართული ფინალის, თუმცა სულამანიძეს ამკარად გამოცდილება დააკლდა. ფინალურ ბლოკში კი ბრინჯაოს მედლისთვის შეხვედრაში მისი მარცხის მიზეზად კვლავ ნერვიულობა და დაძაბულობა ასპარეზობა მიგვაჩნია (როგორც თბილისი ფინალში). ილია სულამანიძის სახით ქართულ ჯუდოს ამკარად დიდი ტალანტი ჰყავს და იმედია, გამოცდილების დაგროვებასთან და ასაკის მატებასთან ერთად ეს ხარვეზებიც გამოსწორდება და გამაწყვეტ შეხვედრებსაც ისევე ლაღად, თავისუფლად და სტრესის გარეშე ჩაატარებს, როგორც საწყის ეტაპზე ვხედავთ ხოლმე.

საბოლოოდ რომ შევაჯამოთ, მიუხედავად იმისა, რომ გაცილებით მეტი შეგვეძლო, 2021 წლის ევროპის ჩემპიონატი საქართველოს ნაკრებისთვის მაინც წარმატებული იყო. მით უმეტეს, ვიცით, რომ ყველა შეჯიბრებებს, რომელიც ოლიმპიურ თამაშებამდე ტარდება, აქვს კონკრეტული დატვირთვა - გამოიკვეთოს უკეთესი ჯუდოკა იქ, სადაც კონკურენცია გვაქვს, ხოლო სადაც გადამწყვეტილია ოლიმპიური გუნდის მონაწილე, გამოიკვეთოს ხარვეზები და მოხდეს მათზე მუშაობა. ნაკრების მთავარმა მწვრთნელმა, ლაშა გუფეჯინამაც აღნიშნა, რომ ევროპის პირველობა იყო რეპეტიცია ოლიმპიური თამაშებისთვის.

უ ლ ო ც ა ვ ე ნ !

მამუკა ყავრელიშვილი!

გილოცავთ დაბადების დღეს, იყავით ჯანმრთელი და ბედნიერი თქვენი საყვარელი ცოლ-შვილით. ასევე თქვენს ოჯახს, გილოცავთ გვანცას დაბადების დღეს. როგორც დღეისთვის ხარ გახარებული თქვენი შვილების წინსვლით ყოველთვის ასე ყოფილიყავით.

ირმა, თამარი, მარინა სენიაშვილები; ბაბო ანტონა სენიაშვილი თავისი ოჯახით

ანა მოლაშვილი!

ჩვენო საყვარელო, გილოცავთ დაბადების დღეს. 10 წლის წინ, 24 აპრილს, აღდგომის დღეს მოველნე ამ ქვეყანას. იყავი ჯანმრთელი. ჭკვიანი, ნიჭიერი, ყველას მიმართ თბილი, ყურადღებიანი, ზრდილობიანი, უფალმა ყველაფერი კარგი დაგაბედოს. ბოლოს გვინდა გარეშო ჩვენი თავი, ვისაც ამქვეყნიად ძალიან უყვარხარ და ეყვარები უკანასკნელ ამოსუნთქვამდე.

„დაბადების დღის იმ ღამეზე ლამეს, შენი აკვნისთვის ღმერთს ულოცია, ერთი სიცოცხლე რა არის შენთვის, და ჩვენიც შენთვის დაგვილოცია“.

ყველაგან და ყოველთვის ღმერთი იყოს შენი მფარველი. არ მოგკლებოდეს უფლის წყალობა. ბებო მარინა, პაპა გურამი, დაიკო-მარი მოლაშვილები.

ა მ ი ნ დ ი	დ ე დ ო ფ ლ ი ს წ ყ ა რ ო
ორშაბათი 26.04 დღე ლაშა	სამშაბათი 27.04 დღე ლაშა
ოთხშაბათი 28.04 დღე ლაშა	ხუთშაბათი 29.04 დღე ლაშა
პარასკევი 30.04 დღე ლაშა	შაბათი 01.05 დღე ლაშა
კვირა 02.05 დღე ლაშა	
24°	12°
18°	10°
20°	10°
22°	12°
25°	13°
24°	13°
23°	11°

გამომცემელი შპს „შირაქი“
 დირექტორი ინგა შიოლაშვილი
 რედაქტორი ნაირა გორაშვილი-პოპიაშვილი
 წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: შუშუნა ყანჩაშვილი (ჟურნალისტი); ხათუნა ბენაშვილი (კორექტორი); ელზა ხარაშვილი (სტილისტ-მენეჯერი); ნათელა ბოსტაშვილი (ბუღალტერი); ნინა ბენაშვილი (ოფის-მენეჯერი); მზინა ქანჭავაძე (საქმის მწარმოებელი);
 გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „ეკოლოგ პრესის“ სტამბაში.

რედაქციის მისამართი: ქალაქი დედოფლისწყარო, ფრონის №18, ტელ. 0 356 22 22-85; 598 72-18-72 (დირექტორი) 591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.